

## Nije prihvaćen prijedlog Mektića o šatorskom naselju

Delegacija općine Velika Kladuša nije se danas saglasila sa prijedlogom ministra sigurnosti BiH Dragana Mektića da u mjestu Polje na teritoriji te općine bude izgrađeno privremeno šatorsko naselje za ilegalne migrante.

Predsjednik Opštinskog vijeća Velike Kladuše Fikret Bašić, koji je bio u delegaciji opštine koja se sastala sa Mektićem, izjavio je Srni da je Mektić rekao da je EU spremna da finansira privremeno šatorsko naselje u mjestu Polje u Velikoj Kladuši do izgradnje migrantskog prihvatnog centra u Medenom Polju, ali da povodom tog prijedloga nije ništa konačno dogovoreno.

“Nismo mogli da prihvatimo prijedlog o formiranju privremenog šatorskog naselja na području opštine Velika Kladuša. Delegacija opštine nije mogla da preuzme na sebe odgovornost da smo saglasni sa tim prijedlogom jer je Općinsko vijeće donijelo zaključke u kojima se traži izmještanje svih migranata sa područja opštine Velika Kladuša. Mi ćemo u dogledno vrijeme održati Kolegijum Vijeća o tom pitanju”, saopštio je Bašić.

Prema njegovim riječima, Mektić ih je informisao da će sutra dio migranata, tačnije porodice sa djecom sa lokacije koja se nalazi na jednoj livadi u opštini Velika Kladuša biti izmješteni u Hotel “Sedra”, u Općini Cazin.

Bašić je rekao da na području Velike Kladuše trenutno boravi oko hiljadu ilegalnih migranata koji su smješteni u privremenom šatorsku naselju, u privatnim objektima.

“Nema velikih bezbjednosnih problema, ali ima informacija da se dešava da oni ulaze bez pitanja u objekte lica koja borave u inostranstvu”, naglasio je Bašić. (vb)

60

SHARES

[Share on Facebook](#)

[Tweet](#)

[Follow us](#)

[Share](#)

[Share](#)

[Share](#)

[Share](#)

[Share](#)

Date: 23-07-2018